

无上黃籙大齋立成儀卷之二十八 竹八

太上執法仙士蔣叔與修

科儀門

靈寶大齋傳授戒符昇度亡靈儀先令

別靈火當職道士祝白
起靈引瑞至就戒所

道眾序立

法師詣坐上香

祝香

一炷道德香 願徹三境路 天尊大慈悲

宣演祕密語 拯拔諸亡靈 法攝當早度

普願九幽魂 同離三塗苦

今日道場清淨大衆同運誠心奉為齋官億

曾萬祖受度亡靈一心皈命虔誠奉請

太上無極至真大道玉京金闕三寶帝師十

極九霄諸天大聖日月星宿瓊璣玉衡三元

四始四司五帝神鄉幽嶽泉曲羅酆當界神

祇靈官典吏三界應感一切威靈願賜慈悲

俯垂降鑒證盟功德傳授戒符庶令九夜之

沉魂獲證三乘之真果

舉智慧頌第三

法師敷座

洞玄妙戒靈寶玉符上保國祚於升平下起

苦魂於浩劫感禁至重神力難思今對道前

依科傳授尚慮亡靈夙迷真道受此輪迴先

當普宣法音闡明王性俾令悟解得離冥途

謹按經云三界衆生本無流轉純一道炁初

無生滅覺曉聞知之性亦未嘗分來無其始

去無其終溟滓大梵無內無外而一切有生

自從感形能知以來色相歸目聲相歸耳香

相歸鼻味相歸舌悟相歸心欲相歸體飢食

渴飲寒衣熱袒陷於境界溺於根塵勞於嗜

好縛於執想日將月就惡根不消生死大輪

未嘗暫息或生天上或在人間墮地獄中受

一切苦幾經輪化未獲解脫不知大道勝緣

本於何處神炁精血始於何化性命生滅竟

從何來設為天人壽億千萬不明道本不識

至真方爾長生復當退墮以是因故高上真

王流出清淨光明最上法寶興立大教普度

天人今為宣揚所宜諦聽一舉昔我

元始天尊以一法身胎養道體而後溟滓成

空空久生有故諸生命忽爾自生生本無體

自空立象因象成形明識來居妄為生想生

想立已執妄為我背悟為明明為暗對明暗

相持水火形見於是分為五物假為五形連

相凌奪互為流轉本為仁愛火為明察土為

信厚金為剛決水為智數內化五形是為五

藏著成五見總為六根情境支連重疊為對

遺失元始混洞赤文無上上真一精妙道認

客為主生情害性以知亂心結愛為根結想

成業故有種種受生種種滅盡種種果報種

種因緣種種天樂種種實苦如是顛倒不自

覺知生死去來浩劫不息一舉坐下四眾受

度亡靈試觀天地之內所有世界無極邊際

不可推量天左地右隨運南北如是運轉其

執主張自非至神不能遷易神無方體見於

事物猶如人身中蘊性命尸卧不動便如無

生若起行步音聲語言方知神化性命潛隱

顯於動作論於至神亦復如是神若不生何

有性命性命之名神之異就在人身中復是

何物作何體狀若認起居動作為神則今死

者應無神理而死亡之人出為崇禱形見光
影或去世積年忽爾附著所見親舊論憶往
事悉如平生端知此神長在不滅生神無生
滅亦無滅與道為一肇於變化或處天堂或
入地獄苦樂二塗神無變改假使上昇天堂
受無極樂或入地獄鑊湯火然萬劫長夜受
無極苦惟是受業識神罪魂尸魄受此業報
於汝元神有何榮悴是故當知太上元始中
黃正道分判天地制法君臣蘊靈太虛神化
生育太空無相不見其情中有至神獨運神
化神雖無間悉則萬塗起於升降分為暗明
兩半既成陰陽乃定陰陽合德遠立生根根
茂枝繁生子為種迺相變化各不相知欲求
其知了不可得知即非道道離所知三界之
內一切有生未出陰陽不斷生死死生變易
極於自然以知求道去道彌遠觀此出生無
量變化皆從太空神炁生化靈妙而有試觀
汝身稟此元命從劫至劫舍身受身數不可
計生雖萬變而所以為汝者未嘗遷也綿綿
若存自古及今其道不息故我教中令知空

非須空內陶神化生道不絕為道根本以此
養生生無窮期以此處物物無盡相一受
戒弟子於此妙義有此悟解即識道真離業
根塵絕輪迴道若未契此吾當為汝授三皈
依說九其戒以為梯撻用作津梁今用宣傳
所宜遵奉

唱人各恭敬

宣告亡靈第一皈依

無上道寶十方上聖太上三尊德劫度人先
天演教慈悲廣救普濟群生玉相金容分形
變化影隨靈臺善處無窮此世他生常當信
禮

舉道寶頌

稽首皈依道 大羅元始尊 願以是道力
開度此亡魂 往生神仙界

宣告亡靈第二皈依

無上經寶十方世界寶藏靈文玉字金書龍
章鳳篆三十六部萬八千篇指引沉迷超登
道岸消愆滅罪得道成其此世他生常當信
禮

舉經寶頌

稽首皈依經 龍章鳳篆文 願以是法力
解悟此亡魂 往生神仙界

宣告亡靈第三皈依

無上師寶玄中上聖靈寶三師正一人三
天教主十方世界得道神仙傳法授經開度
群品是真父母是大醫王此世他生常當信
禮

舉師寶頌

稽首皈依師 靈寶眾慈尊 願以是神力
拯拔此亡魂 往生神仙界

慈悲說戒天尊

無上正真三寶已竟當為宣說九真妙戒消
釋眾苦還昇九天應當一心諦聽諦受

第一戒者敬讓孝養父母
第二戒者克勤忠於君主
第三戒者不殺慈救眾生
第四戒者不淫正身處物
第五戒者不盜推我損己

第六戒者不嘆允怒凌人
第七戒者不詐誦賊害善
第八戒者不驕傲忽至真
第九戒者不二奉戒專一
如上妙戒並是

元始天尊金口演說普為一切誠諸惡根今
依玄科對聖傳授仗此九真之力永辭五苦
之殃上昇朱宮超登紫府伏願侍經玉女護
戒靈童飛天神王巨天力士適下十方無極
世界九幽地獄之中二十四曹三十六府當
與亡過某削名黑簿滅罪陰關開長夜之泉
高指無為之道路九霄宮內常為遊宴之方
八極天中依作逍遙之界所有金籙白簡玉
券寶符恭對道前次第宣告

告長生符存天門 諸開祥光瑞

實上帝神於寶座侍衛兼上帝勅
命金童玉女侍符簡乘金光白大門
降執簡叩齒三通依法念數形咒
取悉吹符訖然後宣告文訖對簡

度簡頌
宣九天寶誥
宣長生度命金籙

師祝曰
當願亡靈受持之後斷地連役受鍊更生永
度三塗五苦八難超凌三界通通上清况平

宣昇天券告文宣畢法師分卷為二
以右一半結攝歸以

左一半封為如法
召當日功曹發去

發保舉狀依法召十方飛天
王存至發去

祝曰

伏聞長生大聖飛天神王契靈寶之內音承
元始之付囑天人同會當始育之上方山嶽
吞煙值赤明之初劫傾光迴駕監真度生願
賜慈悲同垂降鑒齋元始之符命救北都之
罪魂俾亡靈某以時刻而昇遷成計日而受
度不經地獄身有光明逍遙劫刃之臺永處
福堂之界某無任虔禱之至

依次第宣保舉狀

普告三界 歷關諸天 初制地祇 元始符命

宣狀畢以金
錢一就焚化

師祝曰

伏請飛天神王飛天使者吏兵一如昔日始

青天上浮黎法會之中不忘元始教戒之言
俯鑒齋主虔誠之禱俾亡過某靈死魄受鍊
仙化成人身身受度劫劫長存福留後裔慶
及家門一切有情同登道岸

無量度人天尊

真經妙戒玉券寶符乃三洞之秘筌演九天
之勝範指迷超悟證道成真尚慮無所依憑
有妨昇度今為亡靈告盟眾聖出給牒文善
自齋持用為身寶

次宣功德牒宣畢

祝曰

當願亡靈執牒為據地司永消罪錄陰府吏
不拘留天上人間隨果超化

奉北帝頌

向來傳授戒符種種功德並已周圓伏願亡
靈受持之後書名紫策度品朱宮佩寶誥以
朝真禮虛皇而受記超神仙果速快樂鄉以
今再為亡靈斬滅三尸飛度五尸庶得形神
俱妙與道合真昇度有期各宜珍重

法師行持召神

謹召玉清靈寶赫奕仙曹落滅地獄惡道靈官
 官落滅下鬼惡道靈官落滅畜生惡道靈官
 飛度色界靈官飛度愛界靈官飛度色界靈官
 飛度色界靈官飛度情界靈官飛度欲界靈官
 官請詣道前祇承符命奉為亡靈某魂一依
 太真之科斬絕尸根俾三惡之消滅飛度業
 累獲五道之開通度越風刀起昇天府解形
 運變流景上清元始玉符謹當宣告

宣三塗五苦符命告文每宣一符畢即以此符焚之

符於下

惡根斷絕免五道之飄沉苦累獨消超六塵
 之清淨魔王監舉無拘天門再請仙童同加
 引導

請五方童子

奉請東方青靈啟道童子手執青蓮花接引

此亡靈和往生神仙界

奉請南方丹靈啟道童子手執紅蓮花接引

此亡靈和往生神仙界

奉請中央元靈啟道童子手執黃蓮花接引

此亡靈和往生神仙界

奉請西方皓靈啟道童子手執白蓮花接引
 此亡靈和往生神仙界

奉請北方玄靈啟道童子手執碧蓮花接引
 此亡靈和往生神仙界

十極神鄉既疾除於罪簿五靈童子將不滯

於仙遊道遙碧落之天宴息清華之館親朝

元始歌謠洞章不墮輪迴永達玄妙所宜恭

肅祇謝

天恩稽首歸依無極大道

道遙快樂天尊引靈至大道前法

有生苦相受報輪迴上聖恩光垂慈方便著

威儀俯仰之格拯幽夜沉冥之魂亡過某靈

因建齋功獲參壇陞聞經聽法滌罪除愆已

准質於黃華復鍊形於流火傳符授戒受化

更生仰勤真馭之下臨克俾死魂之受度天

地大德孰報罔極之恩螻蟻微誠當識謝生

之所亡靈某等仰謝

天恩稽首再拜

舉靈書引魂至焚燎所

法師回向謝過

臣肅建瑤壇宣行寶範仰祈真造開濟亡魂
 以今度品功圓生尸事畢懼不明於科典及
 有犯於威儀考對三官書愆九府敢希恩祐
 俯賜赦原雲車旋返於瓊都羽蓋復升於絳
 闕馳心清漢注想層霄更乞洪私益施妙歷
 萬方清晏大道興行一切含靈咸登妙果臣
 無任瞻望聖真謝罪乞恩之至

法師三禮出至焚燎所行持召金龍

驛吏讀關子發長生符

法橋大度天尊引魂

宣升度法橋呪

天尊智慧 大道慈恩 九光陽照 變化曲虹

長規千丈 金碧寫重 下入闕光 上登朱陵

法橋濟度 普度無窮 平地昇霄 逕赴天門

各履形儀 步橋登空 改洗舊志 永劫無終

送靈舉三清樂焚化符

舉焚簡引魂起度法

魂神澄正 萬壽長存 不經苦惱 身有光明

功滿德就 逍遙上清元早壽照

與生 獨隸 可轉 聚魂 功都 聚魂

急急如上帝勅

默誦化牒呪

火鈴炎熾 上下八方 萬神侍衛 永斷不祥

急急如丹天火鈴律令 存火鈴滿地如

泥乘金光 昇天而去

宣普度為現呪

靈寶功德 無量度人 元始符命 釋救罪根

長生回尸 九鍊生形 妙戒防非 三界超凌

隨劫輪轉 道遠上清 功圓果滿 上朝帝君

福流後裔 慶及家門 好去好去 無忘道恩

寶華圓滿天尊

上來開度無量功德並已周圓仰憑淨眾為
上因緣念大聖元始天尊太上大道君太上
老君太一救苦天尊十方救苦天尊九幽拔
罪天尊朱陵度命天尊法橋大度天尊火鍊
丹界天尊金闕化身天尊轉輪聖王天尊隨
願往生天尊道遙快樂天尊大慈大悲救苦
真人大慈大悲大慈真人大慈大悲拔罪真
人大慈大悲拔度真人不可思議功德
奉為齋官功圓德就集福消災念紫清降福

天尊消災解厄天尊延壽益算天尊福生無
量天尊八卦護身天尊九官捍厄天尊寶華
圓滿天尊不可思議功德

右世科度靈有新三尸度五苦門儀蓋本
上清洞真部元始譜錄太真玉訣云夫學

上法宜遺諸欲落滅惡根道自然降仙自

然成當篆變景流光玉文依文施用即度

符是上尸符青書玄素中尸符黃書白素

下尸符白書白素色累門符墨書白素愛

累門白書白素食累門赤書白素華鏡門

青書白素身累門黃書白素其斬上尸符

弟子著頭上中尸心中下尸及五苦符並

著兩足於三惡門下北向街刀請一杯清

水以面臨水上師於弟子後叩齒九通而

呪之即世科上尸青慾中尸彭質下尸彭

矯三呪是也每度一門師取所銜刀以繞

弟子頭結九過取所卷玉符埋於門下以

水灌之而去五苦門一同本經無呪今宗

壇受上清寶籙則為之太上符法雖云神

化無方濟生亦可度死然斬三尸呪用於

亡者其間未免有靈礙處而科文又極其
鄙俗今刪去所是落滅三惡飛度五尸靈
官自屬玉清靈寶大法隨訣召降若今宣
通符命開度亡魂則於理為可行又世科
五苦獄名亦與經文不合往往因三塗五
苦經云刀山劍樹銅柱鑊湯捷汲溟波是
名五苦遷就入科也然三惡五道門及流
景玉符既出太真玉訣要當悉依經文施
行方為盡善五苦輪燈亦同

无上黃籙大齋立成儀卷之二十八